



Broj: 02-02-1-301-7/18  
Sarajevo, 22.03.2018.

N/r - direktora

**PREDMET:** *Učešće privrede Bosne i Hercegovine na sajmu prehrambene industrije World Food Istanbul - Turska, 05. - 08.09.2018.*

Poštovani,

Obavještavamo Vas da Vanjskotrgovinska/Spoljnotrgovinska komora Bosne i Hercegovine, planira organizirati nastup bosanskohercegovačkih poduzeća na **sajmu prehrambene industrije World Food Istanbul 2018**, koji će se održati od **05. - 08.09.2018. godine**.

Sajam World Food Istanbul 2018, tokom njegovog održavanja, posjećuje veliki broj predstavnika marketinških kompanija, trgovačkih poduzeća, uvoznika i izvoznika, hoteljera i ugostitelja, proizvodnih firmi iz oblasti prehrambene industrije, kao i veliki broj predstavnika štampanih i elektronskih medija. Nastupom na ovom sajmu, izlagači imaju priliku predstaviti svoje proizvode partnerima iz zemalja Europe, Srednjeg Istoka, Sjeverne Afrike i R.Turske.

Kategorije proizvoda koje je moguće izlagati na sajmu su slijedeće: *prehrambeni proizvodi široke potrošnje i ulja, pekarski proizvodi i slastice, konditorski proizvodi, bezalkoholna pića, aditivi koji se koriste u proizvodnji hrane, sastojci i začini u prehrambenoj industriji, mlijeko i mliječni proizvodi, voće i povrće, te zamrznuti proizvodi.*

VTK/STK BiH planira **zakupiti prostor od 60 m<sup>2</sup>** za potrebe predstavljanja kompanija iz Bosne i Hercegovine (5-8 izlagača) na navedenom sajmu. U slučaju većeg broja prijavljenih za izlaganje na sajmu izvršit će se proces selekcije kompanija na osnovu njihovih mogućnosti za izvoz na tržište Republike Turske.

S obzirom na iznimno visoku cijenu zakupa neuređenog prostora (285 €/m<sup>2</sup>), kao i neophodnih izdataka vezanih za uređenje prostora i potrebne paušale prema sajamskom organizatoru u Istanbulu, **izložbeni prostor za svaku firmu-suizlagača na sajmu će biti financiran** sredstvima izdvojenim iz budžeta VTK/STK BiH i participacijom bh. kompanija koje se prijave za izlaganje na sajmu World Food Istanbul 2018.

**Participacija bh.kompanija - izlagača na sajmu World Food Istanbul 2018 iznosi:**

1.000,00 BAM + PDV 17% = 1.170 BAM

Rok za prijavu učešća na sajmu je **utorak, 03.04.2018.godine**.

Pored navedene participacije, bh.kompanije - izlagači na sajmu snose i troškove puta i boravka svojih predstavnika, te transporta i špedicije eksponata.

Ukoliko ste **zainteresirani za izlaganje na sajmu** po gore navedenim uvjetima, molimo Vas da nam dostavite slijedeće:

- **popunjeni formular Prijave za učešće na sajmu (u prilogu);**



- kratki profil Vaše kompanije na engleskom jeziku (1 stranica A4 formata) za izradu brošure „*Profili izlagača iz Bosne i Hercegovine*“;
- logo znak kompanije sa fotografijama izvoznog asortimana namjenjenog izlaganju na tržištu R.Turske (u svrhu uređenja štanda i prethodno spomenute promotivne brošure).

Prijave učešća možete dostaviti na **broj faxes 033 214 292 ili na e-mail adresu: [eldina.begovic@komorabih.ba](mailto:eldina.begovic@komorabih.ba)** . Vaša prijava treba biti potpisana od strane ovlaštene osobe u kompaniji i ovjerana pečatom poduzeća.

Kontakt osoba za dodatne informacije o učešću na sajmu World Food Istanbul 2018 je Eldina Begović (tel.033 566 232).

Nadajući se Vašem interesu i prijavi za izlaganje na sajmu World Food Istanbul 2018, ostajemo

S poštovanjem,



Enes Ališković, direktor

Prilog: Obrazac prijave učešća na sajmu (OB-QMS-851-61)